

Ad Frerum Stagni vicini quod Tūnerū ducit, sita fuit *Golletta* Arx, capta a Carolo v, destructa ab Uchialia Bas-
cia. *Carthago* condita à Phœnicibus multis ante Romam conditam annis, ampla, potens, dives, Romæ æmula.
Arcem habuit *Byrsam*, media urbe sitam, exstructam a Didone, cuius spacium creditur fuisse duorum mill. pal-
lium, nimirum *Taurino quantum potuit circumdare tergo*. Urbis totius ambitus fuit xx i i mill. eamq; totam fere
Mare cingebat: Ejus situm luculenter describit Appianus in Punicis. Imperium ejus non in Africa tantum
sed in Europa longe lateque patuit: Hispaniam enim a Freto ad Montes usque Pyrenæos domuit. Italiam, Si-
ciliamque longo bello fatigavit. Tandem a Scipione capta totos dies vi i arsit. Restituta est à C. Cæsare: po-
steaque a Vandalis, Gothis, Saracenis sæpius vastata: adeo ut nunc deserta ex magna parte sit, & præter rudera
& aquæ ductus aliquor vix habeat quicquam antiquæ majestatis. De Carthaginensibus veteribus Plutarchus
ista memoriæ prodidit Libro de superstitione: Mos fuit Carthaginensibus Deos placare infantibus impositis
flagrantibus aris. Adstabat autem tunc Mater rigida & absque gemitu (ἀτρυγίλος) si autem ingemuerat, aut
lachrymaverat, honore privabatur, puer autem nihilominus sacrificabatur. Erant præterea omnia plena tibijs
canentium, & tympana pulsantium ante statuam, ne clamor exaudiretur. Scribit item Silius Italicus lib. 4. Re-
rum Punicarum. Miserrimas autem gentes in tanta cæcitate, in tantis tenebris sine verbo manentes. Cartha-
ginienfēs fuere Tertullianus & Cyprianus Ecclesiastici Scriptores valde eruditi, quorum etiamnum exstant scri-
pta Theologica varia, singula in vno opere conjunctim edita. *Tripolis Barbaria* hodie piraticis excursionibus
nobilis, cum prius mercimonijs maxime afflueret. Flumina Barbariæ sunt *Bagradas*, *Cynips*, *Tensist*, *Omirabih*,
Subn, *Luccus*, cum multis alijs. Regionis pars quæ mare Mediterraneum spectat, Montibus occupata est. Inter *Flumina*.
quos *Atlas*, qui in nubila erigitur in ipsam Lunaris Circuli viciniam, Cælumque & Sydera non tangere modo *Montes*.
vertice, sed sustinere etiam dictus, Montium omnium, qui sunt in Africa Parens, & totius Africæ flumina pro-
creans, cuius vertex Virgilio semper nivalis, rigidilque horret pruinis. Vento pulsatur & imbri piniferum *Mores*.
caput. Silet, scribit Solinus, per diem universus, nec sine horrore secretus est. Lucet nocturnis ignibus, choris
satyrorum ac bacchantium undique personatur. Audiuntur & cantus tibiæ, & tinnitus cymbalorum, per
oram maritimam. Manat præterea Fontibus, Nemoribus inhorrescit, Squalet jejunio, humo nuda, non her-
bida. Incolæ probissimi (si Leoni fides) sunt Viri: nullus illis fucus, simplicitatem atque veritatem non ample-
ctentes modo, sed & re ipsa comprobantes. Validissimi sunt atque robustissimi, imprimis illi qui Montes in-
colunt. De Ægypto proxima Descriptione agemus.